



Die Rietstok

32^{ste} Nuusblad van Streek Rietvallei
Maart 2016

Mag julle in staat wees om saam met al die gelowiges te begryp hoe wyd en ver en hoog en diep die liefde van Christus strek.

Mag julle sy liefde ken, liefde wat ons verstand te bowe gaan, en mag julle heeltemal vervul word met die volheid van God.

Efesiërs 3:18-19

Inhoudsopgawe

- Redaksioneel
- Rietvallei bestuur
- Sielskos
- Pitkos
- Rietvallei nuusbroggies
- Lief en Leed
- Kampnuus
 - * Monateng - Januarie
 - * Drie Berge – Februarie
- Senior Burgerhoekie
- Jeugnuus en -dinge
- Verjaarsdae
- Huwelikshedenkings
- Knuppeldik
- Lag 'n slag
- Kampprogram
- Adverteer

Redaksie

Ek is besig om 'n boek te lees 'Warroom', kan dit regtig aanbeveel Dit handel oor die krag van gebed. 'n Ou dame wat 'n plek vir haarself ingerig het, waar sy doelgerig in gebed vir mense intree. Orals plak sy haar gebede op en ook teksverse. Dan kan sy sien watter gebede het God beantwoord – dit bemoedig haar om aan te hou bid. Sy glo ook God hou van gebede wat baie spesifiek is, nie vaag nie.

Ek wonder soms of ons regtig die krag van gebed besef! Kom ons bid vir die mense om ons. Ons geliefdes, maar ook die mense waarmee ons elke dag in aanraking kom. En moet nooit vergeet om God te dank vir alles wat ons so onverdiend ontvang nie!

Magdaleen Viljoen

Rietvallei Bestuur 2015/2016

Voorsitter

Hans Koekemoer 082 565 7896
erhans@absamail.co.za

Ondervoorsitter

Wayne Botha 076 066 9842
wayne@witklippies.co.za

Penningmeester

Annelien Green 082 711 0134
dodge38@iafrica.com

Sekretaris

Leona Kruger 071 201 0682
rietvallei.sawasekr@gmail.com

Redakteur

Magdaleen Viljoen 083 792 3078
magdaleenv@absa.co.za

Kampkoördineerder

Pieter Viljoen 078 094 7436
Jpsdiner1@gmail.com

Senior Burgerverteenwoordiger

Margriet van den Berg 082 586 0480
wavdberg@telkomsa.net

Jeugverteenwoordiger

Denise Botha 076 066 9842
denise@witklippies.co.za

SAWA Webblad:

www.sawa.org.za



Sielskos

"Moet oor niks bekommerned wees nie, maar bid oor alles. Vra alles wat julle nodig het van God, terwyl julle Hom ook dank vir alles wat Hy doen." Filippense 4:6



10 Wenke vir jou gebedslewe

1. Kies 'n spesifieke plek om te bid. Weg van dinge wat jou aandag kan aftrek soos telefone of mense.
2. Bid dieselfde tyd elke dag, indien moontlik. Maak dit deel van jou roetine, dan sal dit 'n gewoonte word. Skryf dit in jou dagboek en hanteer dit as 'n daaglikske afspraak.
3. Bid hardop. Sommige mense kan vir ure in hulle gedagtes bid, maar ander val dan sommer maklik aan die slaap of hul gedagtes dwaal af. As jy hardop bid moet jy sinne vorm en sal dit jou help konsentreer op waaroer jy bid.
4. Hou 'n notaboek naby, sodat jy dinge wat in jou gedagtes opkom kan neerskryf. Soms dink jy aan iets heeltemal anders en jy is bang jy gaan dit vergeet. Dan kan jy dit neerskryf en aangaan met jou gebed waarmee jy besig was.
5. Maak 'n lys van jou gebedsversoeke. Jy kan dan jou lysie opdeel per dag of jy kan vir sekere goed elke dag bid.
6. Maak tyd vir gebed in die ongebruikte tyd in jou skedule. Jy kan bevoorbeeld in die kar bid as jy baie ry elke dag (moet net nie jou oë toe maak nie ☺). Of terwyl jy huistakies doen of stap of fietsry.
7. Kombineer jou gebed met lofprysing, danksegging en sang. Jy kan ook nadink of mediteer oor skrifgedeeltes.
8. Hou 'n gebedsjoernaal.
9. Bid saam met iemand anders.
10. Bid soms net kort een-sin gebede. Die smeking of gebede vir 'n sekere onderwerp kan jou dalk later uitput. Bid slegs 'n kort gebed en beweeg aan.

HANS MOBILE CARAVAN REPAIRS

Profesionele dienste en klein herstel werke op u perseel.
Versekerings herstelwerke en groter herstelwerk word
by ons goed toegeruste werkswinkel gedoen.

Kontak vir Hans by 083 287 9252

Rietvallei nuusbrokkies

- ❖ Rietvallei se 6de amptelike toer het plaasgevind vanaf 5 Februarie 2016 tot 25 Maart 2016. Die Rietvallei Berge en Dale toer, onder leiding van Wim en Margriet van den Berg, is deur 5 waens bygewoon.
- ❖ Rietvallei streek het vir die eerste keer saam met nog 'n streek gekamp by 3 Berge. Dit was 'n heerlike naweek saam met Kiepersol streek se mense!
- ❖ 'n Wildtuin toer word deur Rudi Britz beplan vir Juniemaaand.

Qualisame Thermo Flasks



500ml @ R 150.00 elk
700ml @ R 180.00 elk

**083 538 8021 - Lynette
083 654 6549 - Tinus**



Bring die advertensie saam en kry 'n gratis naam opgraveer

Lief en leed

- ❖ Ben en Alta het 'n nuwe kleinkind bygekry;
- ❖ Almal is veilig terug na 'n suksesvolle Berge en Dale toer;

MONATENG

22-24 JANUARIE 2016

Wat n naweek !!

Monateng, net noord van Pretoria, was eerste op die kalender vir 2016. Die eerste gelukkiges het al van Woensdag af bymekaar getrek onder die groot bome. Die res van ons het van vroeg Vrydagoggend af by hulle aangesluit.

Monateng is altyd `n gewilde oord met skoon geriewe en hierdie keer was geen uitsondering nie. Gelukkig vir hulle en ons, het hulle reën gehad wat die grond en stof klam gemaak het. Groot reën het ons nie oor die naweek gehad nie maar die wolkies het dit aangenaam gemaak met die tradisionele ligte reën deur die nag.

Broodbakkompetisie was op die program vir die naweek en die kampkommandante Rudi, Magda, Frans en Stefanie was reg vir die groot gebeurtenis. Klink my die broodbak het die spul op hol gehad met menige opmerkings en aanmerkings in die verband. Jarelange vriende het geheimsinnig hulle eie beplanning gedoen sonder om enige geheim of resep met die buurman te deel.

Die reëls en inskrywings is Saterdagoggend gedoen met `n aangename 9 inskrywings. Saam met die beloofde brode van die nie-deelnemers het dit beloof om `n lekker groot kompetisie te wees.

Die beoordelaars Chris, Onica, Kyla, Theo en Debbie is breedvoerig ingelig en die beoordeling het op `n hoë noot begin met oom Ben wat eerste aan die beurt was. Besonders lekker maar hy weier om die resep te deel met ons. Sy verweer is dat hy nie `n resep het nie en dit uit sy kop gemaak het... Ai Ben, ons ken jou beter.

Chris en Nellie se Pokkelpensie Rooster Rolletjies was die enigste roosterkoekinskrywing tussen al die brode. Hans en Erna het die beoordelaars probeer ‘bribe’ met `n allemintige R200. As daar dalk nie soveel toeskouers was het hulle dalk geslaag maar die beoordelaars het hulle nie van stryk laat bring nie. Die pampoenbroodjie was lekker, veral met die Orania Vyekonfyt. Piet en Elmarie het gewys dat daar baie dinge met mielies gemaak kan word. Popcorn, mieliepitte, gekookte mielies, mieliesmeer en dan ook mieliebrood.

Fanie en Alida se selfgekniede potbrood in `n 39 jaar oue pot het uitgestaan met die oorspronklike doringrosies en uitstalling. Tjaart en Marietjie se olyfbroodjie het `n oulike storie gehad wat net weereens wys hoe oorspronklik die deelnemers was. Wim en Mel se Kuier Klets en Krummel broodjie was laaste aan die beurt. `n lekker soet broodjie. Nagereg na al die ander broodjies. Lekker man lekker. Moet wees as hulle al van Woensdag af wakker lê en beplan.

Dan moet ek spesiale vermelding maak oor Henry en Roekie se broodjie. Eintlik dink ek dit was net Roekie, Henry was nêrens te sien toe ons daar aankom nie. “Kameeldoring Surprise” was `n *surprise*.

Kon eers nie verstaan en het gewonder of dit met 'n nuwe soort swart meel gemaak was. Gelukkig kon hulle Roekie vang voor sy heeltemal weghardloop en kon sy ons vertel dat iemand haar gesaboteer het en tussenin heeltemal te veel kole op die pot geplaas het. Nou wonder ek hoekom Henry nie daar was nie. Die brood moes besonders lekker gewees het, daar was baie familie om die tafel en voordat jy kon sê 'Monateng' was die brood opgeëet.

Die wenners van die 2016 broodbakkompetisie wat dan ook as Broodbakkampioene gekroon is, was 'n gesamentlike poging van Hennie & Annemarie en Gideon & Helena. 'n Miskruier Bosveldbrood. Hulle is nie net kampioen met die brood nie maar ook lewensredders. Die 4 miskruiers wat die brood sy naam gegee het is uit die swembad gered vir dood. Drie van hulle het teruggekeer uit die dood en dankbaar weggestap. Die vierde een het dit ongelukkig nie gemaak nie en het deel gevorm van die uitstalling. Of so het hulle gedink. Kom Sondag na die mooi kerk boodskap van Frans Scholtz, gebeur die wonder en die laaste miskruier stap lewendig weg. Voorwaar 'n besonderse boodskap. Dankie Frans. Van ons almal en die miskruier.

Die teedrink en koektafel na die erediens was 'n groot sukses en gou-gou was al die bordjies leeg.

Dankie aan almal wat deel gehad het aan die besonderse naweek. Ons maak weer so.

Groete Rudi Britz

Van die brode in die broodbakkompetisie:

